

RHÊMES-St.- GEORGES

De iòi veun-ti lo non Vatican?

Deun lo ioù tèn, lo Vatican l'ie lo non de la coulin-a de Roma, que l'y è desù l'éponda drèite di *Tevere*, eun fahe di Tsan de Mars é a drèite di *Gianicolo*.

L'ie eun poste mousàn è umido , avouì de tsan voco bon rènque p'allé eun tsan.

Aprì " Agrippina Maggiore" megnotta d'eun gn amì de l'ampereur, l'a fa rontché le voco pi bose è mouèn drè pe fée de dzardeun, de verdjé, de queurtù.

Pi tar l'ampereur *Nerone* s'è fa costrouire pe llu eun petchoù sirchillo

avouì de biche férosse é l'è pe lé que sont ihó tcho le premi martir crétchèn. Euncó Sèn Pière l'et ihó euntéro lé.

È paèi hala mandze l'è vin-ia eun chemechéo pe le payèn è le crétchèn, quènque euntre l'an 326 è 333 aprì Jèzù Cri, l'è pe aréo Costanteun è l'a pe fa nivélé lo sondzón de la coulin-a pe li batì la premie bazeleucca dediée a Sèn Pière.

L'è moque a partì de l'an 1870 que lo Sèn Pée l'a traamó sa rezidanse

i Vatican. Quènque i moyèn-adzo reustoe i palè di Latéràn.

Aprì s'è traamó pe d'otre palè de Roma, comme lo *Quirinale*, qu'i dzor de vouì l'è la rezidanse di Prèzidàn de la repebleucca.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

Conte pe le petchoù de inque - Contes pour les enfants d'ici

Tome II, Histoires d'animaux

Rita Decime, Musumeci Editeur, Quart (Ao) 1984

Texte publié en 2008 «L'écho de nos montagnes—Paroisses du Grand paradis» Collaborateur de Rhêmes Saint Geroges pour la traduction: **Martin Pierino**

La transcription a été soignée par le Guichet Linguistique